

Landbou is 'n vennootskap van klomp rolspelers

• Vrystaat Landbou

Vrystaat Landbou (VL) beskou die uitsprake dat 20% produsente 80% van Suid-Afrika se voedsel produseer as onverantwoordelik en gevaarlik. Só het Francois Wilken, President van VL, gesê nadat dié uitlatings onlangs in die media gemaak is.

Volgens hom word landbou in die Vrystaat as 'n geïntegreerde vennootskap tussen almal in die landbou-waardeketting beskou. Dit sluit kommunale, opkomende, kommersiële en sogenaamde megaboere, waarvan baie lede van georganiseerde landbou is, in. Landboubesighede en bedrywe, insetverskaffers, verwerkers én finansierders is almal kardinale rolspelers in die landbousektor.

“Om byvoorbeeld 'n paar groot beesvoerkrale as die voorsieners van vleis vir die land te sien, is oorvereenvoudig. Die beeste wat eers gevoer word, word aan hulle deur die hele spektrum van produsente, ongeag die grootte van die boerdery, voorsien,” het Wilken gesê.

Gewone landbouers belangrik

Hy meen om sekere dele van die waardeketting op te offer én die onvermoë van die regering, korrupsie en ideologiese opportuniste te verbloem, is gevaarlik en onregverdig. “Omdat twee lokomotiewe byvoorbeeld 30 treinwaens trek, kan jy nie besluit om die waens eenvoudig af te haak en dink die lokomotiewe gaan in elk geval die

bestemming bereik nie.”

Volgens Wilken is landbouproduksie ook baie meer kompleks as net die produksie van stapelvoedsel. “Wat die wolbedryf as voorbeeld. Dit is 'n multimiljard-uitvoerindustrie waar die wol soms in van die moeilikste dele van ons land geproduseer word deur gewone en kleiner landbouers.”

Hy het gesê daar is dus baie ander bedrywe wat 'n rol speel om die broodnodige buitelandse valuta te genereer. Wilken meen die sogenaamde “kleinboere” is die landbouers wat die ekonomie van klein dorpie in stand hou en werk aan die ongeskoolde arbeidsmag verskaf.

Raak betrokke by gevestigde strukture en werk saam.

“Vrystaat Landbou bly, soos deur sy geskiedenis, verbind daartoe om die belange van al sy lede en landbou in die algemeen te dien en te verseker dat elke produsent 'n regverdige en billike kans sal hê om sy passie uit te leef,” het Wilken gesê.

Volgens hom is dit belangrik dat landbouers binne gevestigde strukture betrokke raak, deelneem en self hul toekoms bepaal.

“Ons moet ook bedag wees vir die misbruik van die media, emosie en persoonlike aanvalle om korttermyn doelwitte te bereik,” het hy gesê. “Elke produsent moet verantwoordelikheid neem vir homself deur betrokke te raak, sy stem te laat hoor en nie net met 'n wenslys te sit en hoop iemand gaan verby kom en dit waar maak nie.”

7	6		9					
			2	5			4	
	3		4		8	6		
4						5		8
	8		3	4	5		9	
1		9						4
		6	7		3		2	
	1			9	2			
				4			7	5

SUDOKU -

Each grid is made up of nine columns by nine rows. This grid is then divided into groups of nine boxes giving a total of nine blocks. Each of these nine blocks must have the numbers 1 to 9 placed in them, but here is the catch - no row and no column can have any number repeated so your job is to place the numbers in the boxes without repetition in the rows and columns.

Heilbron Dienssentrumlede gereed vir vasvra



'n Vasvra was nog altyd 'n wenner by Heilbron Dienssentrum. Die lede word omtrent behoorlik vasgevra en dan oortref hulle hulself. Wie onthou byvoorbeeld nog wat is 'n Abramdikpens en 'n Kousbandtjie - 'n koringkriek en 'n slang. Daar word uitgesien na wat die volgende byeenkoms vir die lede inhou. Die lede het ook gesmul aan 'n lekker ete wat bedien was deur die Gereformeerde Kerk. Quarta Pretorius, Elsa Labuschagne en Letitia Moolman, tesame met Leani en Elzette Bergh het die ete geborg. Opregte dank word uitgespreek aan elkeen wat betrokke was. Op die foto bo: Dienssentrumlede maak gereed vir die vasvra.

BESIGHEIDSURE

Maandae tot Donderdae: 07:30 tot 17:00

Vrydae: 07:30 tot 16:30 | Saterdag: 08:30 tot 13:00

Besoek ons vir al u skryfbehoeftes, digitale drukwerk, wye formaat drukwerk, korporatiewe drag, geskenke, kantoormeubels, oorpakke, veiligheidsklere en -skoene, informele drag en vele meer.



Elsstraat 44 • Heilbron

Tel: 058 852 3033 • Faks: 058 853 0140

heraldnuus@heilbron.co.za



Op die foto vlnr: Quarta Pretorius, Elsa Labuschagne en Letitia Moolman.

Pizza Bust vir die week



Linda en Leatitia van Snyman en Vennote is Januarie en Februarie druk besig met finansiële jaareindes. Die twee het soos ge-oliede masjiene gewerk om alles betyds afgehandel te kry. Daarom word hierdie week se Pizza Bust deur Buffalo Valley Spur aan hulle gegee. Op die foto verskyn: Linda, Mathapelo en Leatitia.

Terugblik



Heilbron Herald, Vrydag 22 Julie 2011 - Sean Fox se eerste Seili

Om jou eerste seilvis te vang is soos vir 'n gholfser om 'n "hole-in-one" te speel, dit gebeur nie baie nie. Maar vir Sean Fox (13) was die afgelope vakansie op Sodwana beskore. Sean se eerste vang was 'n swart Marlin van sowat 48kg. Saam op die foto is sy broer Jerry wat help vashou het vir die foto. Die seilvis is weer vrygelaat.